

**JAVNA USTANOVA DOM ZDRAVLJA  
KANTONA SARAJEVO  
GENERALNI DIREKTOR  
BROJ: 01-03-04-04-110/23  
DANA, 08.06.2023. GODINE  
SARAJEVO, VRAZOVA 11**

Na osnovu člana 5. stav (1) Zakona o kontroli i ograničenoj upotrebi duhana, duhanskih i ostalih proizvoda za pušenje ("Sl. novine Federacije BiH", broj: 38/22), člana 38. stav 1. alineja (r) Statuta Javne ustanove Dom zdravlja Kantona Sarajevo i člana 6. Odluke o izmjenama i dopunama Statuta Ustanove, generalni direktor donosi sljedeću:

## **ODLUKU**

### **I**

U cilju zaštite i unapređenja zdravlja radnika, kao i svih drugih osoba koje povremeno ili privremeno borave u prostorima Javne ustanove Dom zdravlja Kantona Sarajevo, zabranjuje se pušenje u svim zatvorenim prostorima i mjestu rada svih radnika Javne ustanove Dom zdravlja Kantona Sarajevo.

### **II**

Pod zatvorenim prostorom Ustanove u smislu ove odluke, podrazumijeva se cijeli prostor u sklopu centralnih objekata organizacionih jedinica JUDZKS, svi prostori koji se koriste kao područne ambulante, kao i svaki povezani drugi pripadajući zatvoreni prostor kao što su hodnici, liftovi, stepeništa, predvorja, zajedničke prostorije, toaleti, čekaonice, sobe za odmor, pomoćni objekti, magacini, podrumi, garaže i sl.

### **III**

Mjesto rada, u smislu ove odluke, je svaki prostor koji služi za obavljanje poslova i može biti natkriven, polunatkriven, u potpunosti ili djelimično ograđen, bez obzira na vrstu materijala od kojeg je sagrađen kao i svaki povezani i drugi pripadajući javni zatvoreni prostor (hodnici, liftovi, stepenice, zajednički prostori, kafeterije, kantine, toaleti i sl.).

Mjesto rada uključuje i sanitetska i druga poslovna vozila u vlasništvu JU Dom zdravlja KS, a koja služe za obavljanje poslova i pružanje usluga.

### **IV**

Pušenje je dozvoljeno za korisnike usluga u Centru za mentalno zdravlje JUDZKS, ako i kada se mogu uspostaviti posebne prostorije za pušenje odvojene od nepušačke zone.

U prostorima za pušenje iz prethodnog stava moraju biti postavljena jasno vidljiva upozorenja koja se sastoje od grafičkog znaka dozvole pušenja i teksta koji glasi: „Prostor za pušenje. Pušenje je štetno za vaše zdravlje.“

### **V**

Protiv radnika Ustanove koji se ne pridržavaju odredbi Zakona o kontroli i ograničenoj upotrebi duhana, duhanskih i ostalih proizvoda za pušenje pokrenut će se postupak u skladu sa Pravilnikom o radu, unutrašnjoj organizaciji i sistematizaciji radnih mjesta i plaćama radnika JUDZKS, a u cilju utvrđivanja odgovornosti zbog narušavanja utvrđenih zakonskih odredbi.

Istovremeno, zbog nepridržavanja odredbi Zakona iz prethodnog stava sa drugim osobama koje povremeno ili privremeno borave u prostorima Ustanove, postupit će se na način i u skladu sa

članom 6. stav (4) Zakona o kontroli i ograničenoj upotrebi duhana, duhanskih i ostalih proizvoda za pušenje ("Sl. novine Federacije BiH", broj: 38/22).

## VI

Osim odgovornosti zbog narušavanja zakonskih odredbi, radnik ili druge osobe koje povremeno ili privremeno borave u prostorima Javne ustanove Dom zdravlja Kantona Sarajevo za isti prijestup mogu istovremeno odgovarati i prekršajno shodno odredbama Zakona o kontroli i ograničenoj upotrebi duhana, duhanskih i ostalih proizvoda za pušenje ("Sl. novine Federacije BiH", broj: 38/22).

## VII

Odluka stupa na snagu danom donošenja i objavljuje se na web stranici Javne ustanove Dom zdravlja Kantona Sarajevo, te glasnim pločama Ustanove.


## Obrazloženje

Dana 28.05.2023. godine na snagu je stupio Zakon o kontroli i ograničenoj upotrebi duhana, duhanskih i ostalih proizvoda za pušenje ("Sl. novine Federacije BiH", broj: 38/22), kojim se zabranjuje pušenje u svim zatvorenim javnim prostorima, mjestu rada i u javnom prevozu. Članom 41. stav (2) propisana je obaveza Ustanove, preduzeća i drugih pravnih lica da svoja akta usklade sa odredbama navedenog zakona u roku od 6 mjeseci od početka primjene ovog zakona.

Cijeneći prethodno navedeno, donesena je Odluka kao u dispozitivu.

### Dostaviti:

- Generalni direktor
- Šefovi svih OJ x10
- Šefovi nemedicinskih službi x3
- Centar za NNID (za web stranicu)
- SPKOP
- a/a



**GENERALNI DIREKTOR**  
Doc.dr.sc Abel Baltić

